

宋詩紀事補遺

宋詩紀事補遺卷之五十一

歸安陸心源香樹齋輯

李鄴

隆興元年左宣教郎知溧陽縣

送燕明仲歸常熟

東南江海郡瘴霧腥蛟螭土俗異鄉縣客子懷歸思
歸思何從返遠道傷百危干戈久未定一水分華夷
壯士爭挽強覓爵唾手期而我癡絕甚尙復事毛錐
三年行在所短褐風霜欺生理寄茅棟不飽藿與藜
辛苦攻積憂欲語聽者誰賴有燕公子好事頗見奇

鄰牆肯相過情話肝膽披君才駛駸駿不受塵埃羈
驪首志千里躊躇風雲垂乃翁名世將先朝補邦基
殊勲鼎彝在勁節不少虧後昆德澤盛衮衮固未衰
琴川志

宋時彥

樂昌人崇寧五年特奏名韶州志作隆興元年
鄉貢

呈秀亭

南山亭榭復修完上枕蒼崖下碧瀾一景詩人吟不

盡丹青圖寫也應難

粵詩
蒐逸

李達可

四川遂寧人道傳子見宋史儒林傳兄獻可隆
興元年特奏名

題章詡靜觀堂

君不見通都蕩蕩開九達肩摩轂擊人爭馳危樓百
尺獨高臥下看膠擾無休時又不見滄江茫茫與天
遠輕舟出沒風濤險此時着身平地人遙憐權夫驚
破膽靜中有味知者希紅塵拔脚與世違世人顛倒
墮醉夢我獨坐照全天機榮名弗羨計非拙浮利弗
爭痴更絕騁巧不若拙有餘役何如痴且愚高堂

懸鏡收倒影對此今人發深省

昌化縣志

吳芾 厲有

題蓬萊閣

萬壑千巖百尺樓□□□□東州旁窺照水烟波
濶回顧滄溟雪浪浮望遠尙餘秦轍跡□□□晉
風流凭欄已足銷塵慮□□三山汗漫遊

登臥龍山

歸然千古臥龍山節物年來□舊觀猶有樓臺出天
半正令星斗逼人寒春風偶種花千樹夏日仍栽竹
萬竿自愧牧民無實□漫留佳致後來看

越中金石記

聞伯可郎中銳然有冥鴻之舉小詩奉慶

郎省聲猷藹指紳看看步武到通津合留北闕扶宸
極却向西溪整釣綸愧我暮年方謝事羨君壯歲便
抽身時賢莫把簑翁比林下如君只一人

天台別編

孫憲文

隆興三年南雄州僉判淳熙五年以朝請大夫
爲福建提刑七年滿八年主管成都玉局觀

挽呂東萊

公侯衮衮世多賢道學淵源見粹然隱几不忘當世
事談經獨得聖人傳春容篇什西崑上燁燁聲名北

斗邊天理難謀人莫贖忍看埋玉向新阡

東萊集

霍篋

字和卿丹徒人隆興進士授揚州泰興簿改秀
州嘉興縣進備邊十五策遷軍器監丞光宗卽
位知盱眙軍遷利州路提刑移成都府轉運判
官卒于官篋爲荊州守時撰都梁志八卷少雄
場屋尤長于詩有詩集若干卷見書錄解題京
口耆舊傳

飛步亭

杏花巖左廡東巖驅使淮山指顧間招信□□總□

赴僧伽孤塔正灣環今來古往皆陳迹衰艸斜陽祇
慘顏走馬看山真慙□□□拾得片時間宋詩拾遺

陳栢年

四川內江人隆興進士

楚寨亭

舟行三峽亂峯間雪浪如山毛骨寒一帆喜見楚天
闊回首長吁蜀地難輿地紀勝七十三

陳琦

字擇之清江人張南軒門人隆興間進士爲人
明敏縝密能文主衡陽簿民甚德之有克齋集

讀書臺

水色山光面面開乾坤牢落此孤臺寒煙老屋巢沙
燕春雨殘碑臥石苔千載英風今可想入州奇夢舊
傳來輜軒弔古增惆悵重爲先生開草萊

江西詩徵

周去非

字直夫永嘉人隆興進士

懷歎歛

白雲近空山清風動修竹竹間何所有曲澗聲谷谷
山迥何可窮萬里來懸瀑昔有君子廬清標謝王屋
北山茲正高邦君見良躅吾黨豈敢忘封植此佳木

宋詩
拾遺

趙雄

字溫叔資州人隆興初類省試第一除正字嘗
以中書舍人使金洎熙中累官參知政事拜右
丞相宋史有傳

儲福宮

三十六峯如不到青城還似不曾遊

輿地紀勝

黃人傑厲有

挽呂東萊先生

夫子來天上儒宗第一人英材歸樂育聖學發沈堙

正路方資闢澆風未及醇斯文何遽喪詩筆絕生民
先生解詩方及生民
之首章奄然歸真

盛德光華閎高風動九垓羣英傾斗仰一旦駭山顛
吾道無綱紐熙朝乏鼎梅明招涵夜月忍聽曉猿哀
天意高難問胡爲奪巨賢後生安取正聖道不容傳
感意悲風木傷心慘暮烟翩翩丹旆去徒有淚潛然
憶昨飄零日徒爲梁父吟一時辱輕信千里示佳音
方講門人禮蒙嘉國士臨一朝遽千古難報見知心
萍迹來京闕逾涯辱意隆劇談銷客氣終月坐春風
豈謂十旬別俄成千歲終哀哉不復見天闕恨無窮

張說

字霖卿隆興時營道人

游老君洞

枕漱鑱鉞泉石盲登臨又刮山川目太清飛出離宮
景平地分爲散仙福知津有賴大夫松避道尤勤居
士木層巒破曉霞散綺斷岸涵空霧披縠界遠都歸
粟粒藏脈近監勞杖頭縮不愁風引輕舟却更喜村
通小徑曲妙含道德五千餘迴出洞天三十六青牛
稅駕從嬾臥寶猊回拱長蹲伏猶餘砥室燦金星安
用口口扶玉局巖前日月自朝夕物外乾坤豈寒燠

蛇靈必化第須時豹隱唯鄰聊協卜其知容與樂無
限誰想緒餘善非獨兩柱擎天壽八荒一水爲霖登
百穀深嗟晚到償疇昔爭忍疎游逾信宿癡兒浪作
謝鯤圖坐進口明天下谷

廣西通志金石

田秀實

號康山南宋人與樓鑰同時

題蘭亭帖

昭陵繭紙傳 夢修禊千古欽餘芳公今克攜定武
本趙北復歎塵沙黃細看筆力自外出妙處畫裏藏
鋒銑漢官威儀落眼界九鼎之重虞窺攘暗中摸索

辯眞屬部屋猶有千丈光麴車道逢我所嗜流涎顧
視裾淋浪祈公分貺我一本小儒不願尙書郎蘭亭
攷
顏度

字魯子自號如山復聖五十三世孫居崑山乾
道元年知臨海縣有異政五年移長興拜監察
御史歷秘閣修撰

題康濟泉 在靈康廟後

三年官事渾無補一片丹心徹底眞更有靈康是知

己新泉爲我現津津

天台
別編

呈左律師

前輩高標說與誰孤峯頂上路頭迷如今一向隨流
去逐隊成羣步步低

臨安縣志

倪思厲有

南劍道中桂

道傍巖桂老成行翠葉經冬不着霜想見秋清風月

裏綴金粟顆賸輸香

輿地紀勝

徐大忠

西安人乾道二年進士

超覽堂

咄嗟高棟倚層空振古奇觀驚未識桃花春暖意如

迷凍雨聲來雲潑墨天青一紙雁橫書雪白千林梅

着色

西安志

俞豐

字應南建寧人乾道二年進士調建陽尉令蒙
陽知秀州改浙西提刑官至吏部侍郎號雲谷
著有雲谷集

鳳山

老樹蕭蕭吹古風滿階落葉鳴寒蛩插天殿閣雲不
鎖挺柱石筍擎太空鳳去臺空秋寂寂瑤草離離自
青碧玉簫吹徹渺遺音十二闌干空月色

邵武府志

陳炳 厲有

望黃山詞

望黃山兮峩峩見接天以葱青紛羣峯兮怪奇眩百
變兮幽明朱沙湯兮山椒下白龍兮甚靈襲深潭兮
百尺夜有光兮晶熒山中泉兮娛嬉坐蛇虺兮隱形
歲徂夏兮不雨農夫望兮麇驚禾稼鬱兮滿眼垂槁
死兮無城訴哀恫兮神祠牲豆陳兮芬馨巫誇詔兮
後先龍跼處兮皇靈合歸雲兮九霄麾雷公兮震霆
前豐隆兮戒路北雨師兮建瓴予竭來兮江東元龔
竅兮儲餅井邑荒兮窮谷門兩版兮常扃沈撥槌兮

良勤幾視日兮占星粟星斗兮莫飽將填壑兮鰥
宮吾卑兮何求職水旱兮憂矜願時以雲兮又以雨
黃之田兮世世可耕

泛秋浦辭

九華北兮瀨東石畏碗兮屈盤誰此遊兮萬頃初禹
鑿兮何年窮其深兮莫測微波湧兮淪漣民連甕兮
渚居廬百雉兮造天外涵青青兮幾城混金碧兮中
邊羌予行兮酷暑修途邈兮回遭埃迷目兮眇昏僕
馬瘦兮躓顛若有人兮扁舟破菱荷兮徑前接予袂
兮俱在欲驚我兮登仙與汝釣兮空明魚雜龍兮藻

荇青與汝浴兮覩深悲風度兮秋濤生汝遊兮嵌巖
駭鷗鳬兮爭翻與汝望兮茫冥冥若有無兮飛烟水
一去兮入海問此程兮數千指蓬萊兮一髮有安期
兮偃佺紫貝闕兮珠宮笑紛卑兮塵寰沈瀝飲兮芝
瀣盍輕舉兮蛻蟬嗟吾生兮窮屯履平地兮奔湍心
炯炯兮猶在願託履兮人間青老兮欲丹露溥溥兮
山寒吾何歸兮日暮寄此懷兮江之南

敬鄉錄

蕭國梁

字挺之福建永福人乾道二年進士第一著有

集句詩

句詩

名傳玉陛星辰曉澤霈金枝雨露春

宋稗類鈔狎峯蕭公登科歲第一人
丞相忠定趙公故事設科以待草茅士凡豫
屬籍挂仕版者法當遜避唱名日遂陞蕭
為榜首故蕭對御吟云云其謝啟云預飛
龍之選淮安論次以當先無汗馬之勞鄧
侯何功而居上蓋用宗室及蕭氏事人多
稱之

黃鵬舉

福清人乾道二年進士

黃漿山

清泉澈底瑩無泥喚作黃漿恐未宜若見洞仙還寄

語佳名當喚碧琉璃

新江西通志

章潛

長興人乾道二年進士

栲栳山

秀色團團如栲栳孤高端可壓羣山藏雲蓄雨無踪

跡怨鶴啼猿自往還

輿地紀勝

曾三聘

三聘字無逸新淦人乾道二年進士爲秘書郎

孝宗病革力主建儲議寧宗朝官考功郎中以

忤韓侂冑出知郢州尋改彬州辭不赴嘉熙間

卒贈直龍圖閣諡忠節宋史有傳

玉梁觀

道人抱道常避人閉門三月不識春風風雨雨不相
識起迎北斗生精神夜來夢揖梅子真脫胎換骨隔
一塵玉池生液銀河潤嚙嗽自有元和津山中且住
不須去九仙嶺上雲迷路擣餘藥裹臥松根只在丁

當鳴鳥樹

江西詩徵

劉志行

眉州人乾道二年進士累官知藤州

藤江

驛使何曾寄嶺梅古藤花下小徘徊無名異果自成
樹沒字殘碑半是苔木杪山雞知旦晝江心仙島欠
樓臺灘神憑險成遺廟笑我何因到此來

廣西通志山川

李揆

字起宗瀏陽人乾道二年進士授寧遠尉遷上
高令累官國子司業中書起居舍人國史院編
修官嘉定四年同修國史

行鄉

一作勸農

園林二月春纔半朝日曛隴天氣暖東風放盡柳梢
青已有黃鸝嬌睨睨波翻嫩麥綠連坡露入天桃紅

滿眼筍輿乘興入招提
苾芻留我炊香鉢
山泉煮茗味更長
又得禪林半朝欵
兀突豐碑三百年
古人事蹟今苔蘚
臨風抖擻簿書塵
倚杖須臾歸已晚
咄夫夾道看長官
百錢贈汝聊旌勸
從容後騎毋疾驅
要數前山蒼翠點

登縣樓

一水中分南北市
插天蒙末有佳山
太平官府元無事
聊放衰翁半日間
見說南樓秋氣多
夜涼槐蔭影婆娑
滿懷風月成辜負
奈此青州從事何

元夕雨

山縣逢元夕東風雨濺燈漁篝臨遠浦鬼火附寒藤
酒市可羅雀官僚皆曲肱狂歌吾老矣猶記舊時能

寒食出郊三首

寒食深山路桃花雨裏開可憐傳檄出不爲踏青來
泥滑竹岡下雞鳴田舍隈邱園二十里松楸有餘哀
春事遽如許勞人渾不知柳垂山闕處花發雨來時
薄宦祇憔悴故園成別離多情啼啼鳥獨與寸心違
往歲逢寒食青鞵踏落花題詩山寺壁沽酒野人家
草長春無際身閒意自遐時時縣亭畔畫遍水邊沙

吉祥寺

帶雨溪雲重依山石路斜聊乘阮孚屐徑入梵王家
接竹引流水栽離護野花簿書有期會無地老烟霞

上高縣志

聶涪

江西南城人乾道二年進士

句

莫愁千古難再得只有畫圖傳楚國

輿地紀勝

林宗臣

字實夫漳州龍溪人高登弟子乾道二年進士

終主簿

丹霞峯

笑憑詩句說丹霞城郭人民數萬家禮接紫陽風俗

厚學傳鄒魯道源賒

福建通志山川

程然

乾道三年知廣州

遊陽華巖

平生喜偉觀泉石成膏盲流落天南陬頗覺宿念償
陽華甲千巖豈特魁一方橫開造化奧不假烝燭光
洞淵泛微流闊步維飛梁草木被餘潤神龍或隱藏

千歲石乳垂形似分毫芒客來試擊拊聲如浮磬長
緬想永泰間四海何擾攘元子抱麾符擇勝曾徜徉
聲嘶發健筆漫浪志故鄉別駕何如人欲往居其傍
不知果從違高詠猶鏗鏘我今見中興隨牒瀟水陽
官曹旣清簡年穀頗豐穰不見西原蠻免奏租庸章
公餘且遲留解衣據胡牀憶昔黃太史澹巖藉揄揚
地有遇不遇實在名何傷賴得金華仙英辭流琳瑯

湖南通
志山川

翠雲山

翠雲轉細路碧嶂吞斜陽豁然見林壑蕭爽意已涼

瀑泉何自來萬折到此方亂石不可遏激作雪練光
噴薄勢殊偉琮琤聲更長分流給稼穡餘浸滋松篁
今夕持酒杯臨風據胡床塵襟百慮滌清賞一念償
終當結茅廬安用煩支郎尋盟在休浴占此水雲鄉

撫州府志

林象

字商卿號萍齋莆田人少鞠于外祖陳次升家
盡讀六經百氏書多聞元祐名臣大節後僑居
眞州得事劉安世陳瓘任伯雨諸公紹興初奉
母歸閩終母喪不謀婚娶寓跡法華庵所居軒

日聽雨小園日意足孝宗初兩召不赴乾道四年詔特與進士出身起家迪功郎添差興化軍教授未一考而卒

開行

風搖麥隴東西浪春入郊原遠近花閒趁溪流到村
曲斷垣喬木兩三家

卽事

草上濃霜泣未乾
噉隴初日破朝寒
林中槁葉隨風去
紅柿猶餘鳥啄殘

徐興公筆精林象工詩乾道間詔舉遺逸
起家爲迪功郎仙遊法華庵是其隱處

史彌大

字云叔四明人乾道五年進士朝奉大夫守宗
正少卿兼太子侍講累官禮部侍郎

挽崔舍人

在昔誇三喜於今萃一門周還陪帝學終始代王言
晉擢傾人望規陳悉治源彼蒼無處問才大合調元
憶昨登瀛日相親意最深耽書加我癖體國見君心
遽熟黃梁夢空遺丹屐箴堂堂那復有衰涕泣霑襟

見崔舍人
類葉附錄

王卿月

字清叔號醒菴世居開封父思正徙居台州之
臨海乾道五年進士累官秘書郎中書舍人直
學士院嘗草胡澹菴制云吾寧身蹈東海惟仲
連不肯帝秦至今名重太山微相如何以存趙
人多稱之知廬州靜江襄陽府終于大府卿見
赤城志及攻媿集

題北山玉寒堂三首

刻柱上

春光又過九之一十日大都三日晴陰晴要是不須
問日日爲春來一行

客來清話固所欲遇酒草酌庸何傷是非有耳不願

聽乞我半日心清涼

松成不見種松人借爾相陪見在身歲月暗銷松暗
老焉知此地不荆榛

天台別編

淮安州

平野圍淮甸雙城入楚州
喉襟關重地鼓角動邊樓
聞雁思鄉信歌魚撫蒯緱
此行安所遇江海任浮鷗

張檢討山陽志云雙城卽
今之新城舊城在宋已然

淮安府志

彭龜年

龜年字子壽清江人乾道五年進士歷官吏部
侍郎知江陵嘗上疏請光宗朝重華宮述祖宗

之法爲內治聖鑑以進與朱子約其論韓侂冑
之奸兼湖北安撫使以待制寶謨閣致仕卒贈
寶謨閣直學士諡忠肅有止堂集宋史有傳

別孫隱甫

君家金石臺我家富壽岡十驛苦不遠半世成相望
我爲一貧驅觸熱來帝鄉塵垢面未頰鬱結志不彊
下馬忽見君喜劇幾欲狂未語心已傾旣坐形俱忘
醒我醉夢中被我冰雪旁主人知客深對着夜雨床
猶恐客意短渠渠羅酒漿蟹螯擘新肥荔子含生香
晚歸候月影早遊趁湖光都城六月中公卿簿書忙

而我乃與君專此風露涼笑語雖雜亂理到味自長
平生區區願恰此一月償遽然委我去令人熱中腸
兒女惜別離丈夫重行藏敢因杯酒行感慨徒悲傷
君去起我思綵衣拜重陽願言各努力白髮行中堂

送楊誠齋赴江東漕

愛公喜公住愛國喜公去公去不可留一節江東路
停杯與公別瑣瑣不足疏金陵古都會形勢天所付
江淮有前蔽荆楚無後顧矯首對山河亦足發外懼
錢塘六十年帖帖泰山措繁華視舊都無復郇瑕慮
郇瑕僅憂貧雖貧猶未斃安得小范老前席借一箸

重畫汴洛謀起此宴安痼金粟互輸送甲兵更守戍
去來倘習慣緩急乃暇豫耳聞不如見公見况超悟
願公細平章心期一言寤從此日暮雲不外錦囊句

題王仲顯梅谷

樓前梅十圍屋背花千樹種花識花性培養隨好惡
花無十日好不憚千日慮那知花已嬌疲憊風能蠱
爭如歲寒操盤結不擇土時當氣栗烈天地閉其戶
蓬蓬起南海呼吸萬竅怒向來桃李輩縮氣不敢吐
惟有冰玉姿秀發畧不沮靜觀萬物理參差乃如許
不見千金子宴坐危堂廡一朝遇變故倉卒失所措

不見陋巷士脫齒甘捽茹俯然天地間了不識憂懼
達人善觀物在我乃不喻須上再高樓方能了真趣

同陳秘監諸丈送黃商伯守常州石叔訪守
上饒會於艮山門張園以人生五馬貴莫受
二毛侵分韵得貴字

惠山滋華池玉山潤百卉二賢競出守山水亦自慰
人生別離難朋舊走相謂尅期會南湖肯托簡書畏
敬酌萬石君欲難不敢愠願如玉山高物物飽生氣
又酌雙井公一舉大白旣願如惠泉清滴滴濯肺腑
擇侯須擇賢無乃拔其彙帝城人欲入競進去乃貴

誰無螻蟻心早去亦有味朝家急賢秋人物久經緯
想當分符時欲遣亦有未幸無疾其驅有詔倘可暨

送何同叔赴湖南漕

疇昔登賢書夫子持文衡每見輒忽別問端不能更
一從齒周行後先佐司成未幾奉辟書復接臺中評
詞色陶春和風味挹秋清人生事好乖歲晚意始傾
云何千里去一節湘中行留行我無說脫去公方榮
人言轉輪重我視錙銖輕望之拾遺願公豈少此情
向來否泰疏上亦知忠誠公身有內外公意無虧盈
歷來書可慰細數新豐程

送范文叔知彭州

吾友范文叔家世岷峽州忠純自性分耿耿明月秋
揭來聲利場況與造物侔汲引如不及不進不肯休
酸鹹性難齊委曲能調柔一朝善類合人亦多君謀
或者以己量謂君相比周在我亦何憾太空雲自浮
俄然動歸輿暫去輕於鷗始知進退間君子得有由
聖主羅象俊巖穴窮冥搜何以斗大州著我第一流
無人子思劄殷勤爲王留謬當豹尾間對此誠包羞
五馬豈不貴吾非爲君籌君倘知我心毋忘天下憂

別周侍郎

五言四韵
共五首

東家十畝橘治蠹苛於獄課童事剔決生意長不足
不如西家農耒麥土已熟一朝種子落坐見天地綠
人便適性事醫乃逢其癡有藥不投疾但欲甘於飴
安知萬全方非取頰舌宜誰能味此苦恐厭功效遲
太和到處萌物各從所受老農嘉穀心自覺稊稗醜
道旁有荆棘斤斧不得宥移根着山阿吾亦付薪樵
鵲有護巢心鴉負奪巢力紛爭互勝敗卒乃覆其室
魯雞本非鵠伏穀出羽翼我無拒爾心萬物同一息
創平痛方定醉甚方解醒乃作翻然思遽能免心驚
君子是遠慮小人無隱情有言儻可吐守口何如瓶

土缶

土缶寡譏誚白壁多瑕疵毀譽未必公名起謗亦隨
天下有眞是不在愛惡時青青荆棘塲拍拍蝴蝶飛
不如歲且寒更試松柏姿

送趙使君老父吟

使君朝天騎霜蹄朔風獵獵吹裳衣鉦鐃聒天山谷
應旌旗弄日龍蛇飛邦人遮留留不得壯兒截鐙小
兒泣老翁數日相扶攜喘若筒吹行轉疾且行且止
相歎嗟若怨若慕言紛拏一翁指我門前土向時榛
莽今桑麻自言新年年九十舊使姓名多記憶從頭

屈指細平章清淨安寧今第一狡胥每欲挑民爭能
令祗庸生五兵我公平易與民近智巧有盡難施行
里中年少號刀筆曾向公庭囁消息歸來與我使君
明胸中是非紙上律吾農疾苦年來多公今歸去誰
撫摩留公無計可奈何呼兒起舞吾當歌官家神聖
似堯舜蠲濩官深有言路借留誰格向來書猶有民
謠能取否或聞朝廷虛柄臣須公經濟難逡巡延英
奏對刻易下囊封日說江南貧

送王仲顯赴瓊州

朔風獵獵搜離思千山木葉飛東西山聲互答轟鼓

顰日影倒亂摩旌旗瓊山太守行赤帷父老出餞相
扶攜把袂惜別車去遲仙都散吏挈榼隨洗醖酌酒
歌別離別離之歌歌聲希兒女子態不願爲聖皇擇
守先南陲朱崖況復環生黎黎山插天海四圍黎人
出沒如鬼魑凶鯨蚘集不受羈無異生縛虎與羆乃
今錯處海一涯一日萬變藏幾微趙張縮手龔黃癡
良二千石非公誰公行南方易如歸公舉南事易如
攜向來鹽筴一局棋白黑紛亂楊朱歧公能辨晰是
與非袖有長疏天下知口不可惜人可悲鬼魑虎羆
日夜伺此時此事分安危想公再拜辭玉墀睿意懇

惻亦在茲九重寄公萬里師紛紛獄訟不足治從驛
遽聽東南馳定知召節封金泥不然鹽筴更疇咨服
嶺以南公一夔與公離別歌此詞愧不以頌而以規

送曹無瑕改常州

夫君愛民勝愛己不愛公卿求刺史得州如斗喜不
禁拍手催兒治行李朝家急賢不惜官日日中書有
除旨周南留滯太史歎目斷子公書一紙夫君却不
薄淮陽此見甯輸三千里庖丁雖欲善刀去無乃世
間多巨髀晉陵繁夥視三輔歷徧屏風無可使未央
對罷天一笑今日無憂惠山水未容遠去引自近早

晚賜環差易耳九華却恐怨君王誤我明年花柳喜

送任守赴邕管

吾聞廣南東西四十州諸蠻錯處如蚍蜉東州之蠻
富珠貝西州有馬供羣騶一從隴右失芻牧萬里山
蹊來作足部分驛使視行廐路遠疲農輸食粟邊頭
給估不敢慳內地供億那得閒匹馬中人五家產歲
入不足充軍頒天子擇侯嚴五管橫山之雄視方面
大賢不合著炎方一馬直應勞遠算往時此地驚智
高四海倣擾如抑搔要荒易動古所畏況復立制爭
錐刀年來馬質亂三物廊廟謀深匹夫忽達官喜事

失計循機矢，鉅矛變倉猝。遠利安蠻福，及人公行公。
行南中春一篇，駟頌誰能寫。足用愛民功，到馬

送梁憲易節漕蜀

雨露收江上，星辰下益州。有賢容在外，爲國豈無憂。
德旨頻將遠，君心頓減憂。不然那有此，定自啟金甌。
峽口大江急，劍門天下奇。不因逢使節，安得入公詩。
萬里輕來去，一心無險夷。可憐門下士，猶惜別離私。

寄黃商伯兼簡詹元善

今日蠻荒好，逢人說桂林。祇應一片雪，端在兩公心。
祈望羅明月，生黎斲水沈。滔滔迷所往，莫忘指南針。

挽楊邦甯

心事誰能識交遊細細論有居多水竹此世老邱園
遺恨成千古無人作九原晚來風正惡不忍賦招魂
和李東老韵

胸中塵慮厭多多彊把詩書細刮摩幸有長官憐拜
起苦無公事礙陰哦自慚俗駕爭相逐不識高軒肯
見過天闊雁寒人又遠一盃相屬意如何

挽傅德芳主簿

亭亭梁木遽然傾吾里諸生失典型已向東維次箕
宿定知南斗厭文星書盈故篋墨猶濕影挂虛堂燈

自青忍聽呶鳴哀挽罷一川東去杳冥冥

重九

露下風高足感傷天君著意寫重陽建安能賦推諸
子楚國悲愁又九章我爲催租閣詩思誰能送酒沃
愁腸黃花不解如人意開徧籬根數百行

別徐商老奉祠歸清江

甲寅之冬上命某守荊州某以公在幕府欲
固辭或曰法不可也旣辭不獲命則僕僕而
西已而公與某書曰已上祠請矣慚不可忍
某到荊兩月公祠命下卽日揚舲而東中懷

慘然敬賦五絕以寫兄弟之情恨不工也目
而斥之爲幸已甚

平生兄弟間聚少散亦多欲作對牀夢奈此往復何
法許公不許法不如公嚴公不爲我留寧避世俗嫌
我歸不能休公去不可挽依依原隰間相對意無限
嘗觀金匱書遺逸窮冥搜肯令太史氏挽作周南留
離離鴻雁行漠漠鱸葦秋誰獨無此情何以寫我憂
以上江
西詩徵

黃鍾

字器之號定齋乾道五年進士調德化縣尉秩

滿調漳州府錄事參軍歸卒

何嶺懷古

縷縷浮雲一線穿老松窈窕石娟娟五芝採就辭塵
壚九鯉飛時憶漢年嶺盡斜陽猶迫翠風清層磴可
談元廬江去後尋消息肯與淮南共拍肩

仙遊縣志

許巽

字少陽莆田人乾道五年進士知歸善縣遷祕

書郎

梅峰

一峰突兀倚天際千嶂龍蔥在眼中宇宙自偏人世

遠塵埃不到佛樓空
主公真得庵居相
俗子那容線路通
山北道人如口市
雲門臨濟各家風

興化府志

宋詩紀事補遺卷五十一

男內閣中書樹屏校

宋詩紀事補遺卷之五十一

歸安陸心源伯剛父輯

徐似道

厲有

字困子號竹所又號竹隱黃巖人乾道五年進士
厯官起居舍人秘書少監終于朝散大夫提點
江西刑獄有文集見赤城志

題仙居道中

地褊山成簇溪平水不奔晴天帶陰色冬日作春溫
草聚雞豚市機聲桑柘村舟人識行李相約候歸轅
唐史君與正新建浮橋

秋風百柁倚江臯，幻出城南木柱橋。
虹影勒回天際水，鷁頭驚退海東潮。
白銀闕裏看車馬，赤玉闌邊聽鼓簫。
刃有餘舟楫在，待隨芝檢上雲霄。

宿雲巖二首

古書萬卷積成蠹，老屋數間深卻幽。
午睡忽驚毛骨冷，覺來風雨一山秋。

殘僧入定夜堂寂，獨客不眠山月高。
靜坐了無塵俗態，一燈窗下讀離騷。

天台別編

題蒼嶺

看山每恨眼不飽，上馬豈知程可貪。
還我一筇雙不

借緩從雲北過雲南

又

與戴石屏登白雪樓各賦一首必以宋玉石
對莫愁村

水落方成放牧坡水生還作浴鷗波春風自共桃花
笑秀色偏於麥隴多村號莫愁勞想像石名宋玉謾
摩挲試將有稊無稊曲翻作陽春白雪歌

石屏集
卷六

吳漢英

字長卿江陰人乾道己丑進士由廬江簿擢湖
南運使累官大宗正丞兵部郎官奏安邊十策
及更化三劄皆嘉納施行會言者詆爲僞學論

罷主管台州明道觀晚年慕陶淵明著歸去集

二十卷

浮遠堂

天險東南限此江支分暨水北爲陽孤山不動嬰潮
怒客艇飛來說路長檻外煙雲如出沒坐中頃刻變
炎涼裴回頓覺塵纓絆一曲滄浪訓月光

江陰縣志

汪義榮

字煥之樞密勃之孫乾道五年進士知崇仁縣
除江東機幕復知沐陽歷大理丞卒

子陵祠

四皓逃秦終翼惠伯夷避紂亦歸文先生豈是忘君
者最有維持漢鼎勳

新安文獻志

王揆

福建尤溪人乾道五年進士

游黃山留題

地靈山秀景清虛健羨游人興有餘黃葉盡時分疊
嶂白雲深處見精廬去同靈運低前屐回與浮邱攬
右裾自歎塵勞羈鞅甚林泉高趣若相疎

黃山志

衡石卿

合陽人乾道己丑攝建始縣令

合陽衛石卿攝邑建始暇日拉向全美王仲

蔚嚴叔介來遊石通洞因和壁間韵爲樂乾道

己丑年上巳前二日

空嵌兩洞石相通翠篠娟娟碧霧籠手扶青藜訪奇

古巖洞妙墨識涪翁施南府志

呂辨一作大辨

乾道五年官文林郎宜都知縣見陸放翁入蜀

記

上清宮

仰看宮殿浮天半想見笙簫在月中輿地紀勝

李處全

字粹伯號晦菴洛陽人淑曾孫梁克家榜進士
乾道六年除秘書丞遷殿中侍御史淳熙二年
知袁州歷知處州紹興中弟處勸守衢州處全
寓居江山縣之僧舍擇林壑之勝遂家焉曾協
雲莊集唱和甚多

蛻龍洞

龍化當年去不回空餘古洞出崔巍蒼蒼野色連天
遠脈脈泉音穴地來壁上梭飛三尺雨匣中劍吼一
聲雷紅雲六月炎蒸處應作商霖澤九垓

深靜堂

鼎來朱墨苦難逃兩夕山中暫釋勞
野岫擁簷青嶽窠迴塘足雨綠週遭
翻經深院心宜靜遠跡紅塵意自高
漫把新篇供寫物么麼那敢說詩豪

連筒接水下橫塘漫被塵襟引興長
喜有一枝安靜境間看九曲泛流觴
涼生客枕秋將老月上紗窗夜未央
滿眼詩材皆可賦惜哉無計脫官忙

新城志

李賓

字獻可江西大庾人乾道七年解試師事張子韶行履端潔邃於經學少特唱名任潯州推官

累官資州守

俯江亭

自笑資中窮太守每逢水竹便相親

輿地紀勝

曾興宗

興宗字光祖寧州人公衮子乾道七年領鄉薦
慶元中特奏名授肇慶推官師事朱子朱子歿
心喪三年築室簣簣谷號唯庵學者歸之

居簣簣

渭川千畝竹可比萬戶侯我有簣簣谷此豈爲食謀
南山與北山清絕眞勝遊飛泉動蕭爽怪石添清幽

娛親自足樂捧檄良可羞日從抱節君崎嶇經林邱
有酒對爾酌得句爲爾謳共盟歲寒心肯學炎涼儔
笑指親密友不獨王子猷

江西詩徵

歐陽光祖

字慶嗣崇安節和里人乾道八年登第後爲江
西轉運歸休松坡之上

贈篆書吳全仲古風

鄉友吳全仲讀書之暇工大小篆一日別予
游江右於其行歌以贈之

黃帝史倉初作書依類象形書亦疎獸蹄馬跡頗奇

怪乾端坤倪微發舒周籀大篆十五篇體製漸與蒼
史殊秦兼七國有天下混一土宇同書車趙高采厯
競新作胡母博學誇宏樞是時上篆方挺出蒼籀字
畫勤芟除雲陽繫囚變隸體程邈世喜簡便爭奔趨人
文日巧僞日勝古意自此皆荒蕪嶧山野火惟焦蘇
苦縣光和碑亦無宣王石鼓後來出眞贗莫訂徒嗟
吁陽冰凜凜及前輩字骨瘦硬中敷腴潮手下筆亦
清切杜陵謂與李蔡俱寂寥恍已隔千載遊心藝苑
惟長驅我朝巨筆惟章徐武夷近數延陵吳吳君心
近覩天巧瘦不露骨肥不羸小字銀鈎鐵畫如大字

龍蛇相鬱紆上窮羲黃下秦漢
掎摭羹鼎并盤盂知
惜無浣花老侯門欲曳鄒陽裾
勸君行矣勿留滯
識眞四海多通儒莫學婦人寫陰符
莫作奇字索酒
沽摩崖他日頌功德大字深刻眞良圖

截江網

贈朱元晦句

白髮銀銀吾老矣名場從此欲投簪

崇安縣志

姚宋佐厲有

上桂林詹帥

九月無霜飛葉少四時有筍亂叢幽桂林二十四巖

洞杖屨十年供醉遊

輿地紀勝

句

蠻方誦吏部沙戶知退之

又

徐誼

字子宜一字宏父溫州人乾道八年進士累官
太常丞知徽州浙西提舉右司郎中集英殿修
撰知江州紹熙五年刑部侍郎知臨安府開禧
三年朝散大夫江東安撫使兼行宮留守嘉定
元年以寶謨閣待制知隆興府

謫官南康軍

花飛片片上衣襟拾得飛花寘柳陰莫遣便隨流水

去東君應有惜花心

平陽縣志

石井泉

布穀催春又一年使君風旆爲翩然清冷徹處真無
際果見靈源發漏泉

川原撫撫小層巒千古英雄劍氣寒滲漉仁風并義
澤只今光燄在毫端

發揮有待天須靳隱顯人間未得知翰林人工墨

客宅年稚子亦能詩

虎邱志

李大異

屬有

欣欣亭

門外青山收暮雨林間歸路出行人
鷓鴣勸我早歸去擬斫釣筒收紫筠

雨露汪洋四海春嶺南嶺北多歸人
朝中賢士罕過

此莫借青錢呼白鱗

廣西通志勝蹟

陳謙

字益之温州永嘉人乾道八年進士
著有易庵集宋史有傳

送王孟同館黃巖見王簡卿侍郎

吾子勇出鄉賣文供啜菽誰指石頭路
路滑去能速大溪拍天流返壑僅盈掬
神化闕功能善世眩兼獨

寶瑟迹已陳
伐閱在林麓
飽盡天下眼
觀我亦具足
尙論宇宙廣
落處卽爲福
請子房魏偕
點入丹青錄
天台別編

華蓋山

屢隱築東山林
亭撼翠寒雲
藏安石館竹
掃葛仙壇
徑繞鳴泉壑
天低月近欄
秋風扶杖履
漉酒助君歡
溫州府志

李處端

洛陽人處全弟
乾道九年江都令
累官簽判鎮江府

深靜堂

渡水穿雲特地來，虛堂深靜絕塵埃。
泉流舍下蒲萄色，山作人間翡翠堆。
解籜娟娟新竹長，弄香細細雜花開。
重惟勝餞難爲咏，况我初無錦繡才。

新城志

丁逢厲有

東山

水遶山圍夏木蒼，舊時賢相讀書堂。
窗間遠岫供吟遍，來倚闌干伴月涼。

勸農香山

宿雲留潤欲侵衣，草長山腰路濺泥。
遶物畫圖花遠

近接畦湍瀨水高低人趨南畝生涯樂春入東菑土
脈齊說與老農還自笑近來辛苦慣扶犁

湖南通志山川

張師夔

字清父眉州人乾道中進士寧宗時通判漢州
同知雅州魏了翁有祭文

小桃源

武陵勝處今何在不問汭流問落花

輿地紀勝

楊王休

象山人乾道中進士仕爲黃巖尉鉏治奸豪人
稱鐵門少府累遷至禮部侍郎

致爽軒

翛然一宅一編書舉世何人得似渠三十六峯峯下

路清溪綠竹遶樓居

輿地紀勝

鑿溫嶺

黃山形勢南如窩四十餘里趨丹河年年七月八月
雨稻田瀾漲漫風波異時都水使者至東開鐵場分
水勢地綿力短功未成尺一催歸卒吞志舊畫茫茫
如棄井百年遺恨如灰冷我來弔古更窮源並水沿
流至溫嶺嶺之首尾少低昂如衡稱物錙銖強外卽
大海枕平麓相去往往尋丈長天造地設巧乃爾胡

爲棄此而取彼興廢成否抑有時不獨今非古皆是
此來經營煩令君便有異議爭云云常情自古憚謀
始豈料疲秦終利秦

象山
文類

楊大全

字渾甫青神人乾道中進士調溫江尉召監登
聞鼓院甯宗時累官司農丞丐外知金州宋史
有傳

延慶宮

前溪六時水上界數聲鐘

輿地
紀勝

方恬

婺源人乾道己丑南省第一人後登進士

師古林賦雪

睡起眼光的鑠擁衾縮頸高吟推轉小窗驚看松林
翻作瓊林

應鄉舉

長驅筆陣渾無礙掃盡春蠶食葉聲

過昱嶺

直上最高頭無人獨少留萬山皆在下千里入雙眸
馬傍松邊立雲從脚底浮倚天一長嘯紅日滿滄洲
遊湖上

春闈試罷且徘徊十里荷花渾未開笑指西湖且歸去閒時應待我重來

以上徽
州府志

錢文

字文叔崇德人號恕齋吳越王裔乾道間進士尉當塗知萬載有異政趙汝愚薦知循州

題梵竹卿蓬居

梅繞蓬居不計株水仙數畹鬪芳腴竺鄉白葉二香妙世界紅塵一點無可比遠公蓮社勝應嗟陶令菊園蕪爐薰清鼻茗撓舌月浸松窗對結趺

宋詩
拾遺

王繁

順慶人乾道間進士

含山驛

萬山飛不出守令最相親

輿地紀勝

劉知仁

眉州人乾道間進士

儲福宮

所憂目力盡未間雨足酸雲峯三十六一一皆奇觀

輿地紀勝

史申之

眉州人乾道進士

眉州志題名碑作中之四川通志人物傳作用之云出處

未詳

敘州

東樓特傑少陵詩鎖江頡頏涪翁題兩翁詩陣屹相

向千載名與江山齊

輿地紀勝

陽景春

字伯震號龍潭居士四川巴縣人乾道乙酉貢
禮部後官從政郎巴州難江縣尉贈宣義郎

次伯高弟韵

黑貂敝色嗟蘇郎苦茶兩餅活難詳老嫗糟糠未鼎
肉漫勞戲綵啼其傍造物寄意知何許慈竹生舍貽

嘉祥

是歲慈竹不種自生於龍潭之舍

晚年慰見萬事足無乃宗子

爲小陽當時顧後悲不孝今日兒女還成行難弟二
珠寄男子已角旣鹿未角麋先人有後欲昌熾釋思
爲善甯無常菊開佳色采盈手酒浮蟻綠仍驚黃喜
有詩書起門戶佳興吹入秋風長

宗驥周晬陳物試之惟取墨

俚俗兒周晬羅陳試子材怡愉觀物色揀擇取烟煤

志在文章富毫揮錦繡開弟兄心筆硯

伯同父周子晬試取硯

豈怨貧哉

以上字溪集附錄

句

詩書有味嚼逾美編簡無花開自香

輓故人

五十三年墮鬢魂一朝埋玉骨方溫又

陽伯高

失名景春弟時人稱之曰斗山先生

夢宗氏子來兄舍寄生九月初七果生姪子
昔年曾夢宗家郎受生所自言其詳鬢鬆有髮重覆
頂夢裏恍然如在旁大人占之兆惟吉惟熊惟羆男
之祥今朝誕慶果如夢始生三日逢重陽啼聲已覺
是英物一門四子誠生光小魚嬉戲已成隊雛雁飛

騰終作行曉來搔首搜句喜奮筆倉惶書弄麝端由
乃祖積德厚詩禮有傳應異常新醅喜醖蒲萄綠開
樽共對籬花黃掀髯一笑共引滿拜賀箕裘宗派長
字溪集
附錄

廖珪

乾道中以承議郎通判温州主管學事

挽薛良齋

大學傳伊雒深仁浹武昌談兵劉子政論事馬賓王
斐見溫辭寵頻懷輔郡章籌邊殊未究遺恨滿江鄉

薛良齋
語集

鄧椿

字公壽雙流人祖洵武父雍以待從終椿乾道
中官郡守撰畫繼十卷椿念再世名位在宣政
童蔡間率太息一日得洵武諫伐燕疏亟乞蜀
守汪應辰跋之椿哭墓下以告蜀人以爲賢孫
乾道壬辰三月十日同叔衍游諸山用邵公
濟大象閣韵

口山正南隆翼蔽如壁壘白龍舞蜿蜒漾漾環一水
最勝錦開屏口秀當前起石崩古有句寧慮英靈止
東山屹相望縷脉口口口佳處更崇窅頓倍客懷喜

後巖天下獨人傑嘗□光一門太平瑞邨復論表裏
盛事百年間繼者能□耳我來□乘酣借□□□使
玉樹□風前試把蒹葭倚

金石苑

魏興祖

迪功郎温州司法參軍乾道中人

挽薛良齋

奧學傳伊洛平生盡此心多聞推子貢一唯妙曾參
知識皆文武才猷冠古今斯人苦斯疾吾黨恨尤深
至理窮微妙經綸特緒餘鄂城資豫備淮甸得安居
慨慷陸公奏詳明賈誼書今辰恨埋玉慟哭滿鄉閭

薛浪
語集

宋道傳

字公玉豫章人乾道中官廣西

伏波巖

銅柱威聲凜百蠻肯貪裊載溷溪山無人爲起文淵

問端的珠還薏苡還

廣西通志山川

黃談

字子點義甯州人官至朝奉郎有詩名著有澗

壑詩詞二集

句

急雨黃花渡初晴白雪村

義寧州志

宋天則

乾道中嚴州學生

挽呂東萊先生

含孕天資粹稽參學力深躬純君子行道會聖人
形見溫於玉持存勁愈金斯文方有賴蚤作還聞音
世選仍收第詞科復處優賢關資善教東觀邁英遊
吳筆精刊繫文編極簡摻家居期間董豈料病無瘳
設心何正大所樂得羣英文妙雲龍變經談日月明
精勇無間斷小大各圓成長育恩難報攀號自失聲

麗澤南軒聚俱曾辱異知
顓蒙初自釋誘掖信吾斯
雖歎行窩寂猶虧築室思
祇同二三子許學莫能移
劉戒之

乾道中宣撫使幕僚與陸游共事放翁集有跋
戒之東歸詩

郢州

百年宋玉石三里莫愁鄉地接荆門近煙迷漢水長

其地紀勝

唐季淵

金華人乾道中鄉舉

挽呂東萊二首

方振河汾業云胡不假年斯文今已喪此道後誰傳
秘館藏新史門人緝舊編未明修短理昂首問蒼天
憶昔精藍舍提撕意頗濃笑談獨在耳趨步遽無蹤
萬里悲風翮中宵寤歲龍百身嗟莫贖涕淚灑寒松

王渥

乾道間知建陽縣漳州推官官至盱眙守

第一山

亭聳東南第一山登臨身在白雲間市樓斜日紅高
下客艇輕波綠往還輿地望中成異境將軍闕外亦

胡顏興地紀勝

王文資

寧國人乾道中知南恩州

贊王五峯察使

維石巖巖有五峯繡衣直指大江東觀風要集流民
雁察吏還從御史聰天遣梅花迎使節春融芹藻到
儒宮澄清天下無餘事歸袞當如魏國公

宛陵羣英集

孫介

字不朋紹興餘姚人居于縣之燭溪湖號雪齋
野人著有雪齋野語子應時應求應符

題張元鼎風雨齋

張侯好兄弟
韡韡棠棣芳
築室聽風雨
書史堆滿牀
牀前竹千挺
竹外花兩行
舉頭見青山
秀色臨我傍
客來具雞黍
亦復陳壺觴
坐與塵土隔
淡然風味長
我久倦行役
萬里歸故鄉
相遇飲三日
笑語成清狂
百年幾別離
兩鬢各已蒼
此會苦難復
此歡不可忘

丁未仲夏賞月

有序

頃予乾道三年丁亥五十四歲仲夏望夕居家
小飲曾賦惜月詩云年止十二月月唯十二圓
蟾輪嗟易缺人事苦難全貧病愁忙夜風雲雨

雪天上逢冰鑑滿得酒且邀延今寓海陵已七
十四適邑長官司馬父子合席偕飲檢視前篇
正同此日忽焉恰二十載可謂事不偶然殆若
前定賓主無不驚賞因慶兩家三樂俱備輒用
元韵以述私喜同座之人不可不賡和也

詩成二十年今夜月重圓兩姓包三樂同寮慶十全
笑談諧素願賓主謝高天莫逆無勞約俱祈得永延

仲子生日

并序

雪齋老人訓迪兒輩嘗謂孟子言君子三樂其一
係乎天賜其二在乎身行其三待乎人合吾

家素厄貧賤今幸夫婦耆老三子溫清而幼者
新任淮丞盡室團圞其樂無涯仲子生朝吟詩
小酌以慶天賜如得其兄弟同賦尤妙也

尋常得子要佳晨何幸生朝在仲春樂事賞心隨處
處仁風和氣似親親天恩有庇容團聚家訓無須旋
卜鄰杯酒獻酬更祝頌不須黃老拱星辰

燭湖集

孫應求

字伯起登鄉薦應時兄

鰲鰲篇

有序

仲弟應符用昌黎鰲鰲詩韵作咄咄篇以自警

家大人復用其韵作欣欣篇應求亦次韵作噉
噉篇以見志云

噉噉志士心玉壺冰露寒整冠默危坐撫卷慨永歎
膠援天下事豈逃吾靜觀是心本如水風過成濤瀾
蟻或作牛鬬雀常用珠彈萬境各顛倒何者乃憂歡
聖學有宗盟口血應未乾進修在覆簣趨舍防奔湍
正須極高深乾坤見倪端規摹招四代宗廟富百官
譬如入玉府璆琳雜琅玕逢原在左右諒非登天難

燭湖集

孫應符

字仲潛介子著有歷代帝王纂要二卷幼學須知五卷

咄咄篇

有序

應符讀韓文公齷齪詩攷其歲月乃三十二所作今應符生亦三十二年矣深有愧焉因借其韵爲咄咄篇以自警

咄咄汝爲子念之心可寒慕則非所慕歎則非所歎
愚生乃繫俗達人始大觀大明高照耀滄海足波瀾
不求勝己友有過孰拚彈不絕害心念誠心奚喜歡
溝澮無源本易盈還易乾見善苟不明譬彼東西湍

仁義根於心視精而行端讀書貴知道事親寧以官
會稽產竹箭西海出琅玕虛名何足尚所懼實才難
燭湖集

陳巖肖

厲有

題巾子山廣軒

屹立雙峯入雲表登臨聊爲小遲留四圍山色攬天
碧一曲波光抱郭流身世欲違塵俗態生涯宜與水
雲謀何當占斷層巒頂一室烟霞百慮休

天台別編

宋詩紀事補遺卷五十二

男內閣中書樹屏校

宋詩紀事補遺卷之五十三

歸安陸心源伯剛父輯

王之道

鴈有

贈筆工柳之庠

我昔丞歷陽好筆得柳生維時習治久羣盜方縱橫
生售數毛穎一一簡擇精作字可人意爲我供筆耕
不知二十年天下乃復平爾貧技不售我困功無成
布衫負簞笠羸然過柴荆口我老廢讀無意游管城
千錢與斗米聊爾餉此行歸家飽妻子一笑嘲彭亨

題璋老清閼軒

余暇日過吉祥愛其竹徘徊不忍去長老璋
公方葺小室丐名於余因誦退之筍添南堦
竹日日成清閼之語取清閼二字以名之後
五年歲在壬申三月旣望璋訪余索詩不辭
爲賦此詩

典午接曹氏其風扇浮虛當時波浪從高談乃其餘
竹誠松柏流一日不可無子猷爲此語千古誰能渝
堂堂韓退之議論荀揚徒詠竹美清閼長篇載詩書
吉祥在無爲隱若西南隅我來過梅雨新竹環清廬
風梢弄蒼簣日影穿扶疎高標挺直節勁特凌萬夫

道人謂余言吾方葺吾居公其爲吾名要令與實符
清闕退之詠是軒良不孤何當對此君搜吟更躊躇

一經堂爲王亦顏題

我身非我有天地暫委形諦觀子若孫相值如浮萍
崔昭與李兼甚矣愚不靈積錢遺芸窟轉手還星星
何如散籟金人遺以一經韋賢不可作高風看典型
公家世植德蘭玉滋芳馨三鱣偶墮砌伯魚初過庭
明明有聖訓言之爾其聽退而學詩禮齋扉書長局
矻矻對月牖孜孜守風櫺冬映孫子雪夏聚車公螢
有時聞誦詩流泉韵泠泠懸知眸見面巖電仍雙熒

行當擢賢科發策驚天廷致君此其術何獨取紫青

大柿行

丙辰夏秋雖足雨百穀與蔬果皆凋耗不豐
惟柿特大異常歲昔所未見夫大柿大事也
其爲國家之祥乎其掃清強敵迎還兩宮之
兆乎載豫臯麟蓋不足道也作大柿行以歌
之

君不見鄭虔學書晚彌篤歲收柿葉三百屋興來寢
食兩俱忘但見毛公老而禿又不見梓人造車度羣
木木中無火柿所獨舊言蓋軫象乾坤須信斡旋歸

一軸美哉此果有常德結實何曾問荒熟霜餘萬顆
綴寒林下視黃柑類奴僕牛心取象庶彷彿熨斗得
名何挽瀆火乾旣許暖關膈冰冷當知解煩燠今年
夏秋足時雨盡道和氣種百穀西成僅得十之五亦
見陰陽有盈縮就中朱實繁且大照野煌煌駭人目
較之常歲遠不侔正似卧勝難趁斛國家運厄困強
敵一紀于茲事弓韞空庭喋血在今年我已不疑何
更卜禾和鞋諧古云識大柿之祥天下福請賡變伐
獻我君王功成四方服

追和蘇養直飯牛歌

牙言五十三
三
時來富貴非所憂公卿何必皆黑頭力田熟若逢有
秋異哉甯戚親飯牛商歌未絕驚齊侯遂從仲父盟
葵邱勛業無聞死不休磻溪有叟垂直鉤

贈蓑衣道人

蓑衣道人七年凡兩見于西湖之上見行謂
余會當晚達且遇異人則予心之所庶幾而
不敢必者道人丐余數語故茲及之咄哉彼
以妄言之我以妄聽之識者能無誚乎己卯
三月二十五日

七年兩見西湖濱似向貧賤求貴人安民扶世在豪

僕貴人何必皆嚴華嗟予坎壈今老矣糊口相煎未能已願君莫作貴人看歲晚庶幾長不死

鹿鳴宴

乾道乙酉無爲太守呂公以冬十一月庚戌舉送進士循舊典開鹿鳴之宴部使者梁公以建臺于此而與焉呂公不鄙謂之道于是邦年齒最高寔爲鄉老俾從觀禮之道自念頃在宣和甲辰獲同弟兄聯中科第迄今未見有繼之者士風不振甚矣因作是詩記今日之集且以勉諸君是行聯名春闈爲時盛

事大慰州閭之望

蒼顏華髮老書生來赴公堂宴食苹曾預宣和聞喜
集重觀乾道計偕行繡衣勸駕追前哲熊軾賓賢繼
列城久矣邦人虛桂籍正須公等振英聲

田間夜歸有作示王覺民

風雲蹤跡付扁舟水竹生涯寄一邱世故舉同鷄抱
鵬物情無怪馬生牛百年半向愁中老萬事當從酒
到休莫愛得官輕得句爭如飽食對吟搜

臘梅和次韓韵

一枝橫亞竹梢黃宮樣新翻半額妝閒淡似宜冬後

日清癯應却夜來霜生憎丹臉嬌含酒巧妬冰肌冷
透香取臘爲花緣底事浪吟空發少年狂

可憐風閣肖梅英試問東君曷似生正色不從朱粉
婉耐寒猶怪雪花輕論交薝蔔君爲勝投社荼蘼我
更清縱美詎能齊眾口漫言異日許調羹

寄贊寧上人

時上人進修高僧傳有詔赴闕

支公兼有董狐才史傳修成一夜開天子遠酬丹詔
去高僧不出白雲來眉毫久別應垂雪心印休傳本
似灰若念重瞳欲相見未妨西上一浮杯

追和賈明叔侯陟明二侍郎瑞香二首

睡香始生廬山中世未有識者一日有高人
方白晝睡恍然若聞異香忽神思清發覺而
尋之得此花于蒼崖翠壁之上故因以命名
今乃以爲瑞香非也雖然無害香譜中未有
以瑞名者而此香獨得之花譜中未有以香
名者而此花獨得之吾知子弟蕙蘭僕奴龍
麝綽綽有餘裕也因追和無爲先生韵庶幾
當世知音者爲我擊節

日午高人睡正濃幽香初破碧山紅忽然夢覺無尋

處會有東來一陣風

深院重簾數尺墻對花何必更燒香
九齡風度高難抱舉世紛紛漫笏囊

題華嚴院澤上人西韵軒

疎簾如霧隱牕紗虹影青紅兩脚斜
坐久清風起何處一盆昌歎映葵花

贈浮屠道本

道本自歷陽廣教與六僧偕來以天申節受
具足戒于當塗之萬壽寺戒壇能誦吾兄彥
時所題二詩故其歸也用韵以贈之

暑雨初晴江上村藕花無數午風溫梁山正帖淮南
岸到得精藍日未昏

一去禪關忽五春異鄉驚見眼終清問師參學今何
解雲在青天水在餅

和道可

臥雨春頭到地長清風一榻借微涼某聲驚斷高僧
夢起撥爐中未過香

春日訪道上人

隴麥如烟水滿塘路邊桃李間柔柔道人不作淵明

調笑碾新茶看瑞香

相山集

孫觀正

乾道中迪功郎新差監提點製造御前軍器所門

挽薛良齋

眼看嘉木斧斤摧行路悽涼孰不哀高論每聞前席

聽讜言曾欲挽裾回膏銷果見口口襲

公嘗授道隱者然有濟時

之念晚乃迫於從宦不能卒其業蓋其業得已而人莫知也

芻蕘空悲徐孺來

公從

一投業者多儒效俗傳今若此蒼蒼福善竟悠哉

薛浪語集

何伯謹

乾道中朝奉郎新權發遣廣德軍主管學事

卷之三
挽薛艮齋

剴切憂時論慈祥濟物心賈生年尙少平子慮何深
徒抱經綸志俄聞訃告音朔風傳薤挽誰不淚霑襟
薛浪
語集

陳樞才

乾道中迪功郎温州司戶參軍

挽薛艮齋

耆舊襄陽傳風流月旦評此翁尤間出當代總銷聲
遇事皆迎刃遊談可代兵孰知死諸葛英氣凜如生
晁董科名累向雄利祿儒惟公傳洛學處世類齊竿

湖外嚴兵戍神畿析使符恍然成昨夢一吊束徐芻
薛浪語集

師渾甫

字伯渾乾道時眉山人渾甫本名某字渾甫既
拔解遂高退不赴省試其弟冒其名以行遂登
第渾甫因以字爲名而字伯渾

老學菴筆記

隱居不

仕善爲文章陸游序其文集史堯弼堯峯集有
師伯渾至青神黃雀餉師渾甫兩詩劍南集有
記夢寄師伯渾詩

丈人觀

言三三
寧君始學道敢據五嶽尊及爲帝東在便與天長存
輿地紀勝

清都觀

清都視諸方事力良不齊幽賞豈不勝門當白雲溪
劍峯誓岡象丹井藏虹蜺又

晁公武 厲有

將發合州

銅梁山昏嵐翠重石鏡水落灘聲遲

荊州卽事

戰船不見和州載勝地惟餘避暑宮今日芻蕘皆得

往大王風作庶人風

又

初上蓬籠竹竿船始知身是劍南官沙頭沽酒市樓
暖斲步買薪江墅寒

以上輿地紀勝

錢似

乾道中從政郎温州錄事參軍

挽薛良齋

蚤悟傳心學精微造本原讀書殘萬卷落筆動千言
孤邑驗英略流民感至恩顏亡雖可痛自有不亡存
偉矣萬人傑精神運五兵議屯謀甚婉料敵智尤明

謹厚唐劉氏淵源漢賈生斯文嗟遠喪哀挽淚縱橫

薛浪
詔集

吳彥夔

乾道中右朝議郎知武寧縣

龍潭石

雲山隱隱草芊芊水色迷離怪石邊百轉黃鸝消永
日千尋白練映長天竹垂清露添詩硯燕鶯飛花落
舞筵林外不知春雨歇正宜携酒望前川

武寧
縣志

錢孚 厲有

紫籜山

雲鎖慈蘿石路深
旃檀林裏有叢林
萬山重疊雨添翠
一水灣環風漾金
午飯欲陪龍象住
夜眠要聽鳳凰吟
更求竹錦安禪處
老却平生名利心

仙居縣志

梁竑 鴈有

湖山樓

千峯背負烏聊山
一區面蟄龍停淵
壺中日月自天地
淮南雞犬亦神仙
當湖次第列小隱
花塢直與山房連
海棠徑成當步障
藕花滿洲宜泛船
竹齋蕭蕭碧玉幹
菊坡采采黃金錢
月觀無雲飽秋色
風松有雷驚晝眠
流杯不減昔曲水
烹茶況吸今蒙泉
山家

四時無不好跨蹇扶筇性所便主人早歲取科第策
足要津先着鞭聲名藉甚四十載三朝眷注知才賢
方今聖人勇於治搜羅側隱無棄捐鄉里老成相繼
出如公自合比其肩遂持一節向江右卽賜十行朝
日邊那知念念作歸計把玩圖畫心茫然他時乞身
諒未晚赤松黃石相忘年觀公名樓有眞意流行坎
止寧非天扁舟過公一夕耳心屢欲往身無緣遽公
來歸我亦老卜隣其賦招隱篇

樂平縣志

張子顏

字幾仲西秦人父俊宋中興四將之一封循王

以蔭入仕乾道中知信州明察果斷閭里隱伏
皆知之盜賊屏息路不拾遺淳熙二年知襄陽
五年以龍圖閣待制知隆興府加敷文閣大學
士嘗刻元和郡縣志

行春圩

長圩行盡晚風和野水瀾瀾鳬雁過何似蘇堤寒食
近畫船簫鼓漾恩波

燕湖縣志

楊可弼

字良卿乾道中吉州團練使藏有趙千里蟠松
怪石便面

遊青城山

我笑羊叔子峴首矜一生又怪謝阿客伐山覓崢嶸
豈如銅梁守出門便赤城

輿地紀勝

胡詠

廬陵人銓子

句

閣下大書三姓氏海南惟見兩翁還

輿地紀勝趙鼎敗吉陽居郡四年薨胡澹庵之子詠有詩云云時秦相檜格天閣下書趙李胡姓名趙公薨十年放還海外逐客而李胡北歸

沈端節

字約之號克齋湖州歸安人寓石溧陽歷知蕪湖縣有善政民爲立祠官至江東提刑見太平府志溧陽縣志

哭王淇

讀書渾不問家事得酒但知延友生

太平府志流寓傳

顧松年

字伯茂南宋時丹陽人兄嘉定鎮江志

過練湖

行行向以慰吟歡負郭平湖萬頃寬兩寺鐘聲烟外聽六朝山色鏡中看難追鷗鷺朋儔密頗怪魚龍窟

卷之三
二
醵寒請濯塵纓自茲始爲辭雲水向長安

丹陽縣志

彭葵

字武山崇安吳屯里人朱熹薦授將仕郎試秘書省校書終大理寺丞

題蘆葉箋

七尺蘆蘆秋色裡兩三箇鴈夕陽邊醉來縱筆渾無

碍掃破長江萬頃烟

崇安縣志

高祖之

亳州蒙城人瓊七世孫南渡後家明州元之百之其弟兄行也乾道時人

右軍祠堂

一麾東晉守八體入神書墨水傳遺蹟蘭亭表舊居
挂冠高興逸坦腹舊牀虛峻嶺崇山景依然想似初
蘭亭考

卷十

劉迂

迂字漫翁號巢松宜黃人隱居不仕嘗以詩請
益於朱陸諸儒著有漫塘文集

靈谷

去途歸盡黛眉橫點染溪頭六曲屏春入翠微殘照
紫天含空碧斷峯青城藏遠樹江明滅人沒蒼烟路

渺冥定有子眞耕谷口移文不負北山靈

江西詩徵

章敏德

一作童敏德

敏德臨川人生乾涸間不仕

湖州題顏魯公祠堂

掛帆一縱疾於鳥長興夜發吳興曉杖藜上訪魯公
祠一見目明心皦皦未說邦人懷使君且爲前古惜
忠臣德宗更用盧杞相出當斯位誠艱辛生逆龍鱗
死虎口要與乃兄同不朽狂童希烈何足罪姦邪嫉
忠假渠手乃知成仁或殺身保身不必皆哲人此公
安得世復有洗空凡馬須麒麟

江西詩徵

陳孔碩 厲有

挽呂東萊先生二首

北望非吾土南來獨此翁孔顏當日意杞宋百年風
與物陽春開隨形鏡影空吾儕竟何罪斯道合成窮
語絕香奩壞人非鐵磬存罷官空數日挾策與誰論
丈室塵埃亂層城草木昏寸心無訴處號絕向令原

謝堯仁 厲有

九日登屏山

有約携壺九日遊扶筇選勝豁雙眸天空晴送羣峯
翠野曠寒生落木愁濁酒故饒狂士態黃花羞插老

人頭憑高不管風吹帽坐破屏山一色秋

江西詩徵

題金山

半夜鬼神朝水府五更鼓角動揚州

全閩詩話克仁以文詞詩律游江湖間淳熙初元薦於鄉有題金山詩云云大爲張于湖所知以國士畏友待之

尤槩

字與平文簡公次子淳熙乙未進士官行太常寺博士人稱爲眞書櫛子以其肖文簡也著有綠雲寮詩草

夏日觀農

行行曠野間田家功正甫老農爲予言此中情難數
焦枯慮連早陰損慮積雨插時復畊耘酷日無從拒
豈不愛四肢望歲忘其苦但願慶豐年得給人三鬴

梁溪
詩鈔

應子和

永康人父文臣隨高宗南渡官右文殿修撰與
朱子善子和登淳熙乙未進士官至觀察使長
于詩時號三紅秀才

蠟炬短燒紅

風過落花紅

兩岸夕陽紅

永康縣志

胡有開

字益之建昌南城人淳熙二年進士開禧初秘書郎

遊青城

一百八景蟠遶三十六峯回環

輿地紀勝

翁華

字持甫崇安人績孫淳熙二年進士知茶陵州武陵縣

龍爪石

香開巖桂露淒清翠鎖晴嵐潑眼明風度南枝烏鵲
轉月斜西塢玉繩橫來游十里水雲窟償我一生邱
壑情詩句乞君高挂壁且容鼻息撼雷鳴

福州府志

喬夢符

字世用淳熙二年進士知徽州屬縣歛有大達
當水衝每當霖潦居人苦之夢符築堤鑿渠遂
免水患因號公衙嗣守朔陽宰相薦士十九人
以夢符爲首改本院差遣尋遷大理正除監察
御史著西峴類稿十卷

中興寺環翠閣

日盡烟波闊風多客袂涼清談有致白日不知長
麥隴高低熟縲車啞軋忙歸來猶怪早人影在斜陽

東陽縣志

劉名世

名世宜黃人淳熙二年進士紹熙初知浮梁縣
墨池發祥詩呈蔣教

韓子蒼雜抄云池中忽時水黑輒有物如蜴
蜥之狀隱然自水底而出謂之墨龍士之試
於有司者每謂此物現則得人多往往皆驗
城頭學宮高巍巍中有方井號墨池窮冬不竭春不

過往往石眼通江湄故老相傳右軍宅滌硯濡毫向
池側蘭亭絕筆跡成塵此間池水猶能黑紹興之年
值丙寅一夕鬱鬱浮烏雲鄉閭拭目看盛事集英三
唱人姓陳又聞淳熙改元歲隔春預作文章瑞甲科
奪得漢庭魁賢關解褐冠多士九歲奇童面聖顏闔
郡十人俱賜第近來復作烟霧飛盈盈玉斗磨歛絲
忽焉陰霾黯蒼漠模糊頃刻風披披巧如奇花開異
草天女織出蛟綃衣須臾變態千萬狀妙手點染水
墨奇此事頗亦涉神怪疑有鬼物來游嬉不然下墊
千年龜圖書之祥將發揮吾鄉文物盛洙泗執經問

道肩相隨殘膏賸馥大沾漑諸生借潤今其時文昌
終有應圖契韓門高第皆可爲先令地脉進佳貺主
張在公非義之

江西詩徵

章穎

穎字茂獻新喻人淳熙初上萬言書二年登進
士官禮部尙書升侍讀尋奉祠嘉定中卒操履
風節爲考亭所推贈光祿大夫諡文肅宋史有
傳

送長子琳連州刺史入覲

衝雪登長道吾兒更勉旃人常談作郡汝且去朝天

身歷窮閭久條陳正立前故人如問我爲說病癩年
江西詩徵

句

兩州南北護梅關盡日人行石壁間

輿地紀勝

陳經

字叔綸龍溪人淳熙二年進士調廣州司理辟
新興令改福清首以教化爲務倅循州知欽州
封州工詩文著有德齋文集

句

丈夫當廟食仙人好樓居

龍溪縣志

陳士楚

字英仲莆田人乾道八年進士攝新喻縣周必
大薦爲國子監簿擢江東提舉慶元初除侍講
城山國清塘

山光一洗紅塵眼長松夾道搖青繳回頭下瞰百川
融亭臯小立淩剛風傑閣玲瓏朱綠戶何年蓬萊移
左股山僧見客不斂眉梵唄琅琅應魚鼓欲攜三尺
彈龜山浮風一去不復還仍墻草長章逢少幾百年
來風月閑嗟哉賢聖遠復遠天高地下口易晚興化府志
宋詩紀事補遺卷五十三

男內閣中書樹屏校